

# Mustafa Grabčanović

(1912 - 1990)

*Mustafa Grabčanović (1912 – 1990) rođen je u Bijeljini, u uglednoj porodici. U svom gradu završio je osnovnu školu i gimnaziju, a zatim je studirao pravo, ali je zbog loših materijalnih uslova napustio fakultet i naknadno završio Školu finansija u Beogradu. Nakon završetka te više škole radio je kao činovnik u Bijeljini, Rogatici, Tuzli, Brčkom.*

*Godine 1938. u Sarajevu objavljuje knjigu pjesama „Bosna“, koja je tada bila visoko ocijenjena, pa Mustafa Grabčanović ulazi u krug najznačajnijih bosanskohercegovačkih pjesnika između dva rata. Drugu zbirku pjesama „Krajolici moje Semberije“ objavio je tek 1983. godine. Objavljivao je pjesme u velikom broju časopisa širom Jugoslavije.*

*U Bijeljini je, po zadatku, počeo da se bavi istorijom našeg kraja, kao urednik buduće monografije grada, a zatim je počeo samostalno da istražuje i objavljuje feljton „Iz prošlosti našeg kraja“ u Semberskim novinama. To je trajalo godinama i od tih tekstova nastala je knjiga „Bijeljina i Bijeljinci“, koju je objavio bijeljinski Preporod. Radovi Mustafe Grabčanovića spasili su od zaborava čitavu istoriju semberskog kraja.*